



- EDITORIAL • RÂL VÊNGTU • CHHÛNGKAW CHANCHIN
- » MTC-In Senate of Serampore College Full Affiliation a dawng
- » Serampore College (Univ.) Board/Senate Meetings & Convocation
- » Tuihna humhalh leh zûk leh hmuam Booklet

RNI 68092/83 Regn. No. N.E. 1024
 From
 Synod Literature & Publication Board
 Synod Office, Aizawl - 796 001
 Mizoram. Phone: 0389-2324590

SYNOD *Newsletter*

Volume XXXI

No. 401

E-mail: synodnews@gmail.com

FEBRUARY, 2017

LÂWRKHAWM

MISSIONARY THAR 50 TIRH CHHUAH AN NI

WOMEN CENTRE-AH PUAN THUI ZIRNA

January 10, 2017 aţang khân Women Centre, Phunchawngah puanthui zir tûr 2nd Batch mi 35 te chuan Class an ţan leh ta a. Women Centre-a puanthui zir te pual hian January 27&28, 2017 khân Pi PC Vânlalngâki, Synod Revival Speaker leh a team-te ruaiin Retreat buatsaih a ni a. Pathian Thlarau Thianghlim hnathawh a lang a, an hlâwkpuile.

SYNOD MISSION CHOIR (2017-2018) INHLÂN THAR

Synod Ramthar Board-in kum 2017-2018 chhûnga Synod Mission Choir member lâk tharte chuan January 24, 2017 (Thawhlehi) zân dâr 6 khân Rev. K. Lalrinmawia, Secretary, Synod Mission Board hovin Masihi Sangati Chapel, Bâwngkâwnah inhlân tharna hun an hmang a. Zai-pâwlah hian member 22 an awm a ni.

GRACE HOME TANPUINA LEH CHARITY FUND ATÂN ₹ 9,52,069

2016 Kohhran Hmeichhe Rorêl Inkhâwm thu bawh zuiin Thawhlehi zân wavi hnih inkhâwma thilpêk lâk khâwm Rs. 6,24,827 leh Grace Home (HIV+ / AIDS veite enkawlna) tanpuina atân Thawhlehi zân wavi khat thawhlâwm Rs. 3,27,269 chu ni 8.2.2017 (Nilaini) khân Mizoram Presbyterian Kohhran Hmeichhiain Presbyterian Hospital, Durtlâng hotute hnênah an hlân.

KHAWPUI CHHÛNG PASTOR MEETING

Ni 8.2.2017 (Nilaini) khân Aizawl khawpui chhûnga Mizoram Presbyterian Kohhran Pastor-te chu Synod Office Devotion Rom-ah meeting an nei a. Khawpui chhûnga Pastor lo awm tharte lawmna hun hmangin, Good Friday dawn zân - Maundy Thursday zâna Lalpa Zanriah Sakrament ţeh dân tûr ruahmanna te an siam bawk.

Tûn dinhmunah hian Aizawl khawpui chhûngah Bial 46 leh Kohhran 148 an awm a ni.

Synod Mission Board (SMB) hnuai missionary lâk thar mi 50-te tirh chhuah inkhâwm chu ruahman lâwk angin Electric Vêng Kohhran Biak In-ah February ni 5, 2017 (Pathianni) chawhnu dâr 1:30 khân hman a ni a, hmun hrang hranga kohhran mite bâkah missionary-a tirh chhuah chhûngte leh an thianten an ţawiâwm ţa a, Biak Ina leng lo an inkhâwm a ni. He inkhâwm hi Synod Mission Board Secretary Rev. K. Lalrinmawian a kaihuai a, Coordinator Dr. Robert S. Halliday-a'n missionary kal chhuak tûrte a hmelhriattîr a, Synod Moderator Rev. Lalzuithangan tirh chhuahna hun hmangin, **“Lalpa Isua Krista, Kohhranho Lalber leh lu ber hmingin leh, Mizoram Presbyterian Kohhran aiawhin nangni mi 50-te hi missionary hna thawk tûrin kan tîr chhuak a che u. In rawngbawlna hmuna mite tan malsawmna ni ang che u. Pathian malsawmna in chungah awm reng rawh se,”** tia a tirh chhuah hnuah thuchah rorum tak, Luka 9:1-6 leh Johana 20:22 tlawh chhanin a sawi.

Synod Moderator Thuchah tlângpui chu hetiang hi a ni: “Lal Isuan Zirtîr 12 a tirh chhuah ţuma a sawi thil pali – Ramhuai zawng zawng chungâ thiltitheihna leh thuneiha te; nâ te tihdam theihna te; Pathian ram thu hril te leh damlo tihdam thu te kan chhiar a. Heng hi a tirh chhuah chhan a ni a, waviin thlengin chu chu thlâk danglam a la ni lo. Pathian ram (Chanchin Thâ)-a khawvêl damna thu hriattîr hi a thupui ber a ni a; kan hna chu Evangelist Teacher te, Evangelist te, Nurse te, Craft Teacher te leh hna dang pawh ni se, Lal Isuan min tirh chhuah chhan chu mihring pum pui damna a ni a, a tirh chhuah chhan tihlawhtling tûr chuan thiltitheihnain a zui zêl tûr thu a hrilh a ni.

“Hna thawhna hmun han thlena rin ang lo deuhva thil a lo awmte hian vui mai a awl hle. Lal Isuan a tirh chhuahte chu ken loh tûr leh ken tûr te a hrilh a. Tûnlaiah hian thiltitheihna kan hman nasat theih lohna chhan hi chhûngkhat leh kohhranhoten min thuam lutuk ta em ni, tih mai a awl. Harsatna kan tawh hlekin chhûngte leh kohhranhote kan hriattîr a, kan inngaihsak thuai thuai a, a lâwmawm tih loh theih loh zawng a ni. Lal Isua ngaihsakna chauh hi dawn tum ila, Lal Isua hi rin chhan ber ila a ţa ngawt ang. Missionary chhûngte pawhin hetia kan thlah hian Lal Isua kutah dah phal ang u. Chutiang bawkin missionary-a chhuakte hian kan chhûngte kutah ni lovin Lal Isua kutah inngat ngam bawk ila.

“Kan mamawh a nih phawt chuan engkim min pe phal. Keimahni'n nawmsakna lam thil kan ngaihtuah a, *loan* te laa kan buaipui thuai thuai hi a fel lo. Kan mamawh tak meuh a nih chuan Pathian hnênah kan thlen ang a, ani'n min pe ang tih hi ring ngam ang che u. *Materialism* thliina min chhêm lutukna hian kan kohhran leh kan rawngbawlna thleng hian a tihmaimâwk a ni. Missionary chuan in ti miah tûr a ni lo. Ken tûr tak bâk ken tel ngah lutuk hian thlarau lamah ke

kan pên thei lo. Amah rinchhan ula, thlarau bo man tûra in mamawh atân engkima phal a, a ţa lam chauh ni lovin in nat leh in thih thlengin a phal tih hi hre reng ang che u. Khawvêl damna tûr atan kraws-ah a Fapa pawh a khenbehtîr mai. Pathian rawngbawlnaah hian insit a awl hle a, waviin aţang hian in chakna ni lovin Lal Isuan a theihna rin chhana hna thawk tûrin a ko che u a ni tih in hriat reng a pawimawh.”

“Lal Isuan zirtîr 70 a tirh chhuah, an lo haw leha thilmak an tih avânga an lâwmnate an sawi khân, chûng avânga lâwm tûr an nih loh thu hrilhin an lawmna ber chu ‘vâna an hming ziak a nih avânga lâwm zâwk tûr’ an nih thu a hrilh. Ringthar neih tam te hi a lâwmawm; mahse, chu chu kan lâwmna tûr a ni ber lo. Hmuh theih thil hi kan lâwmna leh lâwm lohna thlentu tûr a nih loh thu min hrilh. A khawngaihna avânga vâna hming ziak, rawngbawl tûra a koh in nih hi in lâwmna a nih chuan in lâwmna chu a chuai mai mai dawn lo a ni. In rawngbawlsakate chungtlâk taka rawng in bawl chuan a sâwt dawn lo tih in hriat a pawimawh bawk.”

Missionary tirh chhuah inkhâwmah hian Electric Vêng Bial Zaipawl te, Tuikual Bial Zaipawl te leh Synod Mission Choir te an zai a, tirh chhuahte aiawhin J. Zosanglianang thu tawi a sawi a. Executive Secretary Rev. B. Sângthangan missionary chhuak tûrte puala ţawngţaisakna hun a hmang a, kum 2017-a pension-a chhuak mi pakaw hnênah ‘Ngaihhuina Thuziak’ (citation) hlan an ni bawk. Electric Vêng Bialtu Pastor, Rev. Lalrinmawian Malsâwmnain inkhâwm a ţin a ni.

Missionary tharte hi SMB hnuai field hrang hrang 17-ah an thawk dawn a. Evangelist 32, Evangelist Teacher pariat, nurse paruk leh Craft Teacher pali an ni. Hêng bâkah hian Mission field hrang hranga thawk tûr Field Secretary pali leh Bial vawng tûr mi 13 thlahna hun hman ngâl a ni bawk.

SYNOD Newsletter

EDITORIAL STAFF

Rev. Dr. C. Chawngmingliana
Rev. PC Pachhûnga
Upa H. Ronghâka
Rev. R. Laldinthara

Editorial

LUNGPUI DO RÛK

Lungpui do rûk chu *Mizo tawng upa* kan tih zîng a mi a ni a. A awmzia chu - a rûka tichhetu, hmuh loh lama a rûka lo khera lo tichhetu tihna a ni. Tui chîm pil vek lungpui do rûk chu hmu lovin lawng chuan sut palh châng a nei thîn a. Chu lungpui do rûk chu chhياتna thlentû a ni angin hmuh theih si loh emaw a rûka chhياتna thlentû sawi nân an hmang thîn.

Pâwl (organizations) rêng rêngah hian thil pawimawh êm êm chu thawh hona tha hi a ni a. Inpumkhat tha taka thawh hona tha a awm phawt chuan eng pâwl pawh ni se a chak lo thei lo. Mi pakhat fel fâl hi a tha lo chu a ni lo. Pâwlah chuan mi pakhat fel fâl awm mah se, mi dangin an tawiawm that loh chuan mi pakhat that fâl emaw fel fâlin emaw awmzia a nei thui lutuk lo. Pâwl hi chu thawh hona (Team Work) a nih miau avângin mi tin mai hian pawimawhna kan nei vek mai. Lungpui pawh lungtêin a kamki loh chuan a awm thei lo.

Chutianga pâwlhova thawh hona tha leh inlungualna tha a awm lai chuan rin loh tak maia lungpui do rûk a lo awm palh hlauh chuan chu pâwl chuan tlûk chhيات emaw keh darh emaw a hnaih hle tihna a ni. Chhûngkuaah a ni emaw, khawtlângah a ni emaw, Kohhranhovah a ni emaw, ram inkaihhruainaah a ni emaw lungual leh tha taka kan kal mêk emaw kan tih lai hian kan zîngah lungpui do rûk a lo awm palh hlauh chuan chak ngaihna a awm lo rêng rêng ang. Hma lam pana chak zâwka kal chu sawi loh, *lukawlh nam thlûk ang* maia tlûk chawrh lo chu hmabâk a awm lo. Lungpui do rûk hi a rûk a râla chêtna a nih si avângin hmuh mai a harsa êm êm leh ngihâl. Chu vang chuan lungpui do rûk hi pâwl hmêlma a nih rualin lungpui do rûk awm lo tûr leh thawhona tha nei zâwk tûra tan lâk zêl pawh a pawimawh khawp ang.

MISSIONARY TRAINING COLLEGE-IN SENATE OF SERAMPORE COLLEGE FULL AFFILIATION A DAWNG

Mizoram Synod Ramthar Board hnuai Missionary Training College (MTC) chuan Senate of Serampore College aţangin full affiliation a dawng. He thu hi Feb 1-4, 2017 chhûnga Trinity Theological College, Dimapur-a nei Senate of Serampore College Convocation-ah puan a ni. MTC hi Mizoram aţanga Senate of Serampore College full affiliation dawng thei college pathumna a ni ta a ni.

Missioanry Training College hi 1978 khân ATC-ah Missionary Training Department tia bul tan a ni a. Kum 1996 khân Missionary Training Centre tih a ni a, June ni 4, 2010-ah college-a hlân kai a ni. June ni 7, 2010 aţangin Bachelor of Missiology (B.Miss) zirna hawn tan a ni a. MTC syllabus rinchhanin Senate of Serampore College pawhin 2012-ah B.Miss syllabus a siam zui ve ta bawk. Kum 2013-ah khân Senate of Serampore College-in B.Miss Commission team rawn tûrin a hmunah MTC chu an rawn en dik a. Commission team te rawtna angin kum 2013 aţanga chhiar tanin kum thum chhûng atân *provisional affiliation* pek a ni ta a ni. Provisional period a ral hnu kum 2016-ah Senate commission team-ten MTC chu a hmunah rawn en dik lehin *full affiliation* pêk tûrin rawtna an theh lût a. Chu rawtna chu Senate Committee hrang hrangah rêl a nih hnuin Senate of Serampore College Convocation 2017-ah full affiliation pêk a nih thu hi puan a ni ta a ni.

MTC hi India rama B.Miss zirna college zînga Senate of Serampore College full affiliation hmu hmasa ber a ni a. Missionary Training College-ah hian Bachelor of Missiology zirna bâkah training chi hrang hrang kalpui a ni a. Missionary la thawk rei vak lo deuh tân Short Course Missionary Training, thla thum course te; Missionary thawk rei tawhte tân Missionary Refresher Course, thla khat chhûng leh Mission field-a Pastor leh Field Secretary ruat tharte pualin Mission Orientation kâr hnih chhûng te training kalpui a ni. Hêng bâkah hian Missionary lâk tharte pualin thla khat chhûng training buatsaih a ni thîn a, MTC hi mawhpurtu a ni bawk.

TUIHNA HUMHALH LEH ZÛK LEH HMUAM BOOKLET

Synod Social Front chuan Synod thurêl bawh zuiin ‘Tuihna Humhalh’ tih leh ‘Zûk Leh Hmuam’ booklet an tichhuak thar a, Kohhran tin leh Pastor-te hnênah a remchân anga an lo bawh zui theih nân thawn an ni. Synod 2015:Gen.18 bawh zuina, ‘Tuihna Humhalh’ booklet, phêk 53-ah hian thupui chi li - ‘*Eng vângin tuihna humhalh a tûl tak?*’ tih te, ‘*Global Warming leh Cimate Change*’ tih te, ‘*Tuihna humhalh tûlna leh pawimawhna*’ tih te leh ‘*Forest for Life*’ tih te a awm a. Hêng Thupuite hi mi thiam tak takin chîk taka zirna behchhana an ziah a ni a. Kohhran bâkah sawrkâr leh pâwl hrang hrang tân pawh an hmalâknaa beng tivartu leh puitu tângkai tak a nih a beiseiawm. Zûk leh Hmuam booklet, phêk 28-a chhah hi Synod 2015:Gen.34 bawh zuina a ni a, Mizoten zûk leh hmuam kan tih dân leh zûk leh hmuam thirna hrang hrang bâkah Mizote zûk leh hmuama kan dinhmun hriatna tûr a zawhna sem, mi hrang hrangin an chhânna khaikhâwm chu dah tel a ni a. Zûk leh hmuam lama harsatna tâwkte chuan chhiar ngei thei se, an tângkaipui khawp ang.

PRO. PASTOR ORIENTATION

Synod hnuai Probationary Pastor atâna 2016 Synod-in a lâk tharte pualin rawngbâwlnaa hriat tûr inzirtîrna (Orientation), February 13-17, 2017 chhûng hian SMTCC, Mission Vêngthlangah buatsaih a ni a. Thupui chi hrang hrang 16 zir ho tûra ruahman a nih bâkah a tâwpah Synod OM nêna inkawmna hun hman a ni.

PASTOR-TE INTUAI THARNA

Synod hnuai Minister/Pastor leh Probationary Pastor zawng zawng puala kum khat dana nei thîn Pastor Retreat chu May 9-12, 2017 khian Aizawl Theological College-ah nei leh tûra ruahman a ni. Thupui tûr leh hun hman dân tûr chu OM-in a la siam chhawm ang.

PASTOR QUARTERS HNUAI LUAHTU

Pastor Quarters hnuai luah dân kalhmang siam zûl zuiin OM chuan hetiang hian a luahtu tûr a siam thar:

- | | | |
|--------------------------|---|---------------------------|
| 1. Bûngkâwn PQ hnuai | - | Pastor Vânlalawmpuia |
| 2. Vaivakâwn PQ hnuai | - | Rev. J. Vânlalhûna |
| 3. Ramthar Veng PQ hnuai | - | Rev. P.C. Nghâklianmawia* |

* Sl.No.3 hi a zirnaa a kal hma, April, 2017 thleng luah tûr a ni.

Râl Vêngtu

Râl Vêngtu chuan a puan ven a'n sawi chhng tē tē a. Chutah a tawtawrawt a rawn lek chhuak a, "Khaih khaih khaih, inen chiang rawh u, inbih chiang rawh u. Driver-in Motor a thunun chhng chuan accident a awm ngai lo. Motorin Driver a thunun chinah erawh chuan hmabâk chu chetsual a ni mai," tiin a rawn au ta dum dum mai a. Mite chuan, "Râl Vêngtu eng nge a awmzia, han sawi fiah deuh teh," an ti a.

Râl Vêngtu chuan, "Ramin hma a sâwn a, in changkâng tial tial a. In pi leh pu te neih loh tha tha thil thar in nei zêl a. Television in neih hnu hian lehkha chhiar nachâng in hre tawh mang lo. In kawt kaiah car in hng a, ke-a kal nachâng in hre tawh mang lo. In kutin mobile phone in hûm a, lehkhathawn ziah nachâng in hre tawh hek lo. In in-ah Air Condition in dah a, thing buk hlma thli thaw dawn nachâng in hre tawh si lo. Hotel-ah vai chawhmeh changkâng tak tak in ei a, mahni in-ah Mizo chawhmeh siam nachâng in hre tawh mang bawk hek lo. Whatsapp, Facebook leh Instagram in khawih a, thian zaho leh chhngkaw ti ti ho nachâng lah in hre tawh bawk hek lo. In dinhmun leh in khawsak dân hi inbih chiang deuh rawh u. Hetiang ringawta khawvêl changkânain in khawsak dân leh nunphung a thunun zêl che u zawngin in hriat loh hlânin khâmah in tlan liam mai dân a nih hi," a ti ta a.

Mite chuan, "Râl Vêngtu thusawi chu a dik reng mai. I inbih chiang deuh teh tak ang u," an ti ta tliar tliar a.

HRIATTÎRNA

Upa pêm lehkha inang tlâng hman tûra tih chu Presbytery tin Secretary-te hnênah Synod Office atângin a Form thawn chhuah vek tawh a ni a, lehkha hmu lo palh kan awm chuan Synod Office lamah ngaihven tûr a ni e.

Sd/- Upa Lalrinmuana
Superintendent
Synod Office

SYNOD HOSPITAL, DURLÂNG DECEMBER, 2016 CHHŪNGA THILPĒK DAWNTE

I. CHARITY FUND

1. Zait Bial Kohhran Hmeichhia	Rs 2,000/-
2. Pu Laldanglova, Durlang Mel - 5	Rs 1,000/-
3. KTP, Dam Veng Branch, Aizawl	Rs 2,500/-
4. Pu Thangchhuana, Durlang Kawn Veng	Rs 1,000/-
5. Pu Lalramena Ralte, Durlang Dawrkawn	Rs 1,000/-
6. Pu Rosawmliana Varte, Durlang Leitan	Rs 1,000/-
7. Lungdai Presbyterian Kohhran	Rs 1,000/-
8. Lallianpui, Durlang Leitan	Rs 2,000/-
9. Lalnunsanga, Durlang Dawrkawn	Rs 1,000/-
10. Diakkawn Presbyterian Kohhran, Kolasib	Rs 40,000/-
11. Chawngte 'P' Pastor Bial	Rs 2,000/-
12. KTP, Cachar Kahrawt Branch	Rs 2,000/-
13. Sihphir Vengthar Kohhran Hmeichhia	Rs 10,000/-
14. Tlangnuam Kohhran Pavalai Pawl, Aizawl	Rs 10,000/-
15. Keitum Dinthar Presbyterian Kohhran	Rs 2,000/-
16. Kolasib Hmar Veng Kohhran Pavalai Pawl	Rs 4,125/-
17. Aijal Club, Khatla, Aizawl	Rs 30,000/-
18. Tuikual Kohhran Pavalai	Rs 20,000/-
19. RL Tawnga, Lunglei Venglai	Rs 2,000/-
20. Synod Boys & Girls Hostel, Mission Veng	Rs 17,000/-
21. East Phaileng Kohhran Pavalai Pawl	Rs 9,000/-
22. KTP Serchhip Pastor Bial	Rs 4,000/-
23. MHIP, Khatla Branch	Rs 10,000/-
24. Lily Veng Kohhran Hmeichhia, Chaltlang	Rs 5,000/-
25. KTP, Khawlaung Bial	Rs 5,000/-
26. Chanmari Kohhran Hmeichhia, Aizawl	Rs 20,000/-
27. Electric Veng Kohhran Hmeichhia, Aizawl	Rs 30,000/-
28. Pu P.C Lalsangmawia, Electric Veng, Aizawl	Rs 2,000/-
29. Pu Lalhmachhuana, Electric Veng, Aizawl	Rs 2,000/-
30. Ramthar Tlangveng Kohhran, Aizawl	Rs 20,000/-
31. Pi Sangmawipui Fanai, Synod Hospital	Rs 2,000/-
32. Upa Dr. Rothangliana, Kulikawn	Rs 1,000/-
33. Nursery Veng Kohhran Hmeichhia, Aizawl	Rs 5,000/-
34. KTP, Dinthar Branch, Thenzawl	Rs 5,000/-
35. Ramthar Tlangveng Kohhran Hmeichhia, Aizawl	Rs 10,000/-
36. Pu Lalsanglura, Durlang Mel - 5	Rs 2,000/-
37. KTP, Chanmari Pastor Bial, Aizawl	Rs 10,000/-
38. Central YMA, Tuikuahtlang, Aizawl	Rs 10,000/-
39. Tleirawl Chawhnu Inkhawm, Serchhip Bethel	Rs 2,000/-
40. Lianthangpua Fans Club	Rs 1,000/-
41. Chanmari 'W' Hmar Veng Koh Hmeichhia, Aizawl	Rs 10,000/-
42. Zonunsanga, Bawngkawn 'S', Aizawl	Rs 1,000/-
43. Rebecca Laldinpui Ralte, Ramhlun	Rs 1,000/-
44. Tlang Veng Nuho Fellowship, Synod Hospital	Rs 7,000/-
45. Durlang Kohhran Hmeichhia	Rs 1,000/-
46. Central KTP, Synod Office, Aizawl	Rs 66,933/-
47. KTP, Himali Branch, Chanmari, Aizawl	Rs 6,830/-
48. KTP, Mission Veng Branch, Aizawl	Rs 25,000/-
49. Bethlehem Venglai Kohhran, Aizawl	Rs 30,000/-
50. Music Domain Mizoram (M.D.M)	Rs 14,000/-
51. Pu B. Lalthlangliana (L) & family, Bethlehem Veng, Aizawl	Rs 10,000/-
52. Kohhran Pavalai Pawl, New Capital Complex Kohhran, Khatla	Rs 2,000/-
53. Chhantea Chawhte, Bairabi Chhim Veng	Rs 3,370/-
54. Albert Liantluanga, Ramhlun North	Rs 10,000/-
55. ENF Unit, Venghlu	Rs 2,500/-
56. Zoram Medicare Pharmacy, Dawrpui	Rs 1,000/-
57. Lalmingliana (L) tu leh fa te	Rs 6,000/-
58. NPSS Zote Kohhran, Champhai	Rs 2,220/-
59. UPC (N.E.I), Zembaw Vengpui	Rs 5,000/-
60. Sawleng Kohhran Hmeichhia	Rs 4,500/-
61. Pi Lalchhanhimi te nupa, Zarkawt	Rs 3,000/-
62. Pu Zodinliana, Mission Veng Bazar, Aizawl	Rs 2,000/-
63. Hriat loh	Rs. 1,000/-
64. Anggwa-te Unau, Bairabi Chhim Veng	Rs. 703/-
65. ENF, Synod Hospital Unit	Rs. 25,000/-
66. Synod Hospital Staff	Rs. 32,005/-

II. THISEN PETE

1. KTP, Electric Veng Pastor Bial	35 Units
2. KTP, Hunthar Branch, Aizawl	23 Units
5. KTP, Sairang Dinthar Pastor Bial	14 Units
6. KTP, Phunchawng Branch, Aizawl	11 Units
7. KTP, Luangmual Branch, Aizawl	25 Units
8. YMA, Phulpui Branch	32 Units
9. Durlang Higher Secondary School	10 Units
10. KTP, Rangvamu Branch, Aizawl	14 Units

III. THIL DANG PETE

1. Kohhran Pavalai Pawl, Ramhlun Vengthar Bial	Mi 50 laiin Compound samfai leh Qtrs thar chhuar an siam.
2. Zuangtui Kohhran Hmeichhia	Lawmna Ward tan nau neihna awngphah 33 metres.
3. KTP, Tuikuahtlang Branch, Aizawl	K-Ward tan Rs. 10,000/-
4. Pi L.H Lianzikpui & family, Lunglei Venglai	An fapa

PEK ZÂT

5. Rosebud School, Ramhlun Venglai	Lawmna Ward tan Oil Heater 2
6. Chalrang Pastor Bial Kohhran Hmeichhia	Rs. 3,000/-
7. Pi Lalngaihawmi, Electric Veng, Aizawl	Pangpar leh In cheina
8. Mission Veng Koh Hmeichhia	X-Ray khawl (Portable) leina Rs 180,000/-
9. KTP, Dawrpui Branch	20/12/16 zana damlote & duty ei tur an pe
10. KTP, Chawnpui Vengthlang Br., Aizawl	Rs. 13,000/- (Damlo rethei 13 hnenah Rs 1,000/- theuh)
11. MULCO, Thuampui	Bawngnhute 200 litres.
12. Pu H. Lalremmawia, Bawngkawn	K.Ward tan Sikri 1 & meihawl bag 1
13. Aizawl Football Club	Rs. 5,000/- (Damlo mi 5 hnenah Rs 1,000/-)
14. Upa R.Sangkuma te chungkua, Khatla	Pi Pui Ina dah tur Ceiling Fan 8
15. KTP, Bawngkawn Chhim Veng Branch	Rs. 14,000/- (Damlo 7 tanpuina)
16. Leng Kohhran Pavalai Pawl	Hmunphiah thahnem tak.
17. Durlang Kohhran NPSS	Rs 20,433/- (Christmas Ni Inkhawm thawhlawm)
18. Zonunmawii, Durlang Mel - 5	Malsawmdawngkima (L) hriateng nan mitthi khuhna puan 6
19. ITI Vengchhak Kohhran Hmeichhia	Rs. 28,000/- (Bench 3 leh Fumigating leina tur)

IV. GRACE HOME TÂNĀ THILPĒK

1. Zuangtui Kohhran	Rs 10,000/-
2. Ramthar Veng Kohhran Hmeichhia, Aizawl	Rs 20,000/-
3. Dawrpui Kohhran Hmeichhia	Rs 10,000/-
4. Aijal Club, Khatla, Aizawl - Christmas thilpek	Rs 30,000/-
5. Chanmari West Kohhran Hmeichhia	Rs 5,000/-
6. KTP, Tuikuahtlang Branch	Rs 10,000/-
7. Rosebud School, Ramhlun Venglai	Buhfai bag 3, Dal bag 2, Alu bag 1 leh Sahbawn box 1
8. Zemabaw Bial L.A.D, Aizawl 'E' District	Rs 4,000/-
9. Tuikual Pastor Bial Kohhran Hmeichhia	Rs 6,000/-
10. Chanmari Kohhran Hmeichhia, Aizawl	Thuumhnaw leh puan lum thahnem tak Puannuam 20
11. Ramhlun Vengthar Kohhran Hmeichhia	Rs 10,000/-
12. KTP, Leitan Branch	Rs 3,000/-
13. Central YMA, Tuikuahtlang, Aizawl	Rs 10,000/-
14. Venghlu Prebyterian Kohhran Hmeichhia	Rs 18,190/-
15. KTP, Chaltlang Branch	Rs 20,000/-
16. Bungkawn Koh Hmeichhia, Aizawl	Christmas thilpek Rs 20,000/-
17. Khatla Kohhran	Rs 10,000/-
18. Central KTP, Synod Office	Cook hlawh (April - Dec. 2016) Rs 27,000/-
19. Bethlehem Bial Kohhran Hmeichhia, Aizawl	Rs 10,000/-
20. KTP, Khatla Branch	Rs 10,000/-
21. Tlangveng Nuho Fellowship	Rs 3,000/-
22. KTP, Dawrpui Branch	Christmas thilpek Buhfai bag 1 & Celing fan 1
23. Electric Vengthlang Koh Hmeichhia, Aizawl	Christmas thilpek Rs. 5,000/-
24. J.C Security, Synod Hosp	Rs. 1,500/- (Dam lo mi 2 tanpuina)
25. KTP, Ramhlun Venglai Branch	Rs. 10,000/- (Damlo 10 tanpuina Rs 1,000/- theuh)
26. Johnsons Diesel Sales & Services	Induction Cooker 1 no, Nestle Milk Powder 12 packs, Upaar Tea - 24 packs

V. KRISMAS THILPĒK

1. Mizoram Co.Operative Apex Bank, Ltd. Aizawl	Rs 100,000/-
2. Tuikuahtlang Koh Hmeichhia, Aizawl	Damlote pual Rs 10,000/-
3. Pu B. Lalzela & family, Venghlu	Rs 10,000/-
4. Zemabaw North Presbyterian Kohhran	Rs 10,000/-
5. Tuikual Kohhran Hmeichhia	Rs 10,000/-
6. Durlang Kohhran Hmeichhia	Chawhmeh chi hrang thahnem tak leh pawisa Rs 3,470/-
7. Upa K.Malsawma & Pi Lalzikpui, Nursing Superintendent Rtd.	Damlo tan Sahbawn 301
8. KTP, Dawrpui Branch	Rs 5,000/-
9. The Hon'ble Chief Minister, Govt. of Mizoram	Rs 5,000/-
10. Upa R.Romawia & Vanlalkimi, Vaivakawn	Rs 20,000/-
Zarkawt Kohhran	Rs 10,000/-

Khawngaihna leh duhsaknaa thilpêk min petute zawng zawng hnênah Lalpa Isua Krista hmingin lâwmthu kan sawi tak meuh meuh a ni. Hng in thilpêk kan dawnte hian damlo awm man harsate thlamuang takin a awmtir a, Hospital mamawh tam tak min puhruksak bawk a ni.



VAPHAİ KOHHRAN: Vaphai Kohhran chuan March 20-26, 2017 chhông hian an Kohhran Centenary an lâwm dawn a. He hun hmanpui tûr hian an kohhrana lo lawi tawh zawng zawng leh Pastor/Pro Pastor lo thawk tawh zawng zawngte an sawm a ni.

PATHIAN THU ZIR DUH TÂN

Presbyterian Bible School, Mission Vêng, Aizâwlah C.Th (Certificate in Theology) zir tûr lâk a ni leh dawn a, dil duh chuan hêng hi hriat tûr a ni e:

1. Dilna Form hi Office-ah Rs. 10.00 (chêng sâwm)-a lei tûr a ni a, April 24, 2017 (Thawh-țan) thlai dâr 3:00 thleng PBS Office-ah thehluh theih a ni. Diltu chu Class VII pass/Middle School Exam pass, kum 16 aia naupang lo, Kohhran dân chhônga awm a ni tûr a ni.

2. May 3, 2017 (Nilaini) zing dâr 10:00-ah interview neih tûr a ni a, May 8, 2017 (Thawh-țanni)-ah Class țan a ni ang.

3. Zir hun chhông thla li i.e. May-August, 2017 a ni a. Hrechiang duh tân Phone No. 2317343/2325082/9436198231-ah zawhfiah theih a ni. Hostel a awm lo.

Sd/- Rev. Lalneihvûra
Principal
Presbyterian Bible School

SYNOD KALENDAR TIHDIKNA

Kum 2017 Nilai leh Beihrial Thupui phêk xi leh xxii-a Synod Kalendar-a June 25, Pathianni - Rualbanlote Ni tih chu June 18, Pathianni - Rualbanlote Ni tih zâwk tûr a ni a. Tin, Synod Kalendar 2017 leh Sunday School Syllabus 2017-ah pawh June 25 tih veka dah a ni a, heî hi June 18 tih tûr a ni e. Tihsual palhah in mi hriatthiamna kan ngên tak zet a ni.

Sd/- Rev. Lianhmingthanga Sailo
Secretary
Mizoram Synod

SYNOD TELEPHONE DIRECTORY CHUNGCHÂNG

Synod Telephone Directory Android Application chu siam țăat tum a ni a, siam țăat ngai nei chuan February 2017 chhôngin Synfo Dept., Synod Office-ah ziaka theh luh tûr a ni e.

Sd/- Rev. B. Sângthanga
Executive Secretary i/c Synfo

Gospel Centenary Project 'Sam Hrilhfiahna' Rev. Lalawmpuia Hauhnar ziaak a chhuak țăar a. A man Rs. 300 a ni a, phêk 552 a chhah a ni.

www.mizoramynod.org

SERAMPURE COLLEGE (UNIV.) BOARD/SENATE MEETINGS & CONVOCATION

February 1-3, 2017 chhông khân Trinity Theological College, Thahekhu Village, Dimapur-ah Board of Theological Education of Senate of Serampore College (BTESSC) leh Senate meeting-te neih a ni a; Rev. Lalramliana Pachuau, Senior Executive Secretary i/c Theological Education, Mizoram Synod, Senator te, Rev. Dr. K. Lalrinkima, Principal, MTC (TEB Member) te, Dr. Lalrindiki, ATC Faculty member te leh Rev. Prof. C. Lalhlira, Principal, ATC te an kal a. Municipal Council inthlana hmeichhiate tâna 33% reservation duh lohna kaihnhawih avânga buaina awm mah se tuang takin hun hman a ni a, a hnuai mi hi a tlangpui deuhva report a ni:

(1) Rev. Dr. Kavito Zhimo, Principal, Trinity Theological College chu Senate President atâna ruat a ni.

(2) BTESSC Secretary țăar atân Rev. Dr. Thathupudi Mathew Immanuel, Andhra Christian Theological College Principal nilai chu ruat a ni.

(3) Dr. Lalrindiki Ralte, ATC Faculty member chu SCEPTRE Dean tûra ruat a ni.

(4) Senate of Serampore College Deputy Registrar atân Rev. Dr. Justine Moses ruat a ni.

(5) Southern Asia Christian College, Chennai, Tamil Nadu chu Senate requirements an tlin loh avângin an affiliation tihtâwpsak an ni a; chutih laiin MTC chu affiliation puitling pêk a ni thung. Believers Church Theological Seminary, Thiruvalla, Kerala chu affiliation pêk țăar a ni bawk.

(6) Senate of Serampore College zawmtu College-te tân Common Service Rules, Rules for Promotion etc, pawm a ni.

(7) SCEPTRE hnuai a awm țin D. Min. zirna chu SATHRI hnuai a awm tawh tûra tih a ni.

(8) Mi pathum te hnênah D.D. pêk an ni: Rev. Dr. Christopher Mackie Ferguson, Canada, Mr. Kochuplarampil Mathai Kuriakops, Kerala, Mr. H. Sukhato Rotokha, Sumi Naga, Nagaland.

(9) Members of Board of Studies-ah Prof. T. Vanlaltlani (Religions) leh Rev. Dr. K. Lalrinkima (Missiology) te kan kohhran atângin an tel.

February 4, 2017 (Inrinni) khân Convocation neih a ni a, hetiang hi Degree leh Diploma dawng țăar zât a ni:

D.Th.: 12;

M.Th.: 158; M.C.S.: 4;

Master in Counselling and

Psychotherapy: 12;

B.D.: 1077; B. C.S.: 92;

B.Th.: 50; B.Miss.: 20;

DCPC: 28; Dip. C.S.126;

Dip. in Bible Translation

(Dip. B.T.): 10;

Dip. in Worship and Preaching

(Dip.W.P.):14

D.Th. Degree dawng țăar zingah Aizawl Theological College atânga D. Th. zo hmasa ber Mr. Daniel Tikhir pawh a tel a, ani hi Senate of Serampore College hnuai a D. Th. zo hma thei ber a la ni awm e (kum thum chhôngin a zo). ATC-a G. Th. lo zir tawh, PCI nemngheh Pastor (Zo Synod) Rev. Hangpi Manlun Zou pawhin D.Th. (Communication) degree a dawng bawk.

Mizoram Synod atânga Senate of Serampore College Committee hrang hranga telte:

Dr. Vansanglura – *Principal (Council of Serampore College-ah Secretary a ni)*

Rev. Lalramliana Pachuau – *Senate Committee; Senate Executive Committee*

Dr. T.Vanlaltlani – *Convener, Board of Studies (Religion)*

Dr. Lalrindiki Ralte – *Dean of SCEPTRE; Convener, Board of Studies (Women Studies)*

Rev. Dr. K.Lalrinkima – *Academic Council; Working Committee; Convener, Board of Studies (Missiology)*

SMTC COMPUTER RESULT

Ni 31.1.2017 khân Govt. of Mizoram Higher & Technical Education chuan Computer (DCA 1st Semester) result a tichhuak a. Exam zawng zawng 1082 zingah SMTC atângin mi 14-in an exam a, an vaiin Distinction-ah an pass vek a. Top Ten-ah mi pali telin, Pakhatna (Topper) an hauh bawk. Top Ten-a langte chu hêngte hi an ni:

1. Lalngaihsaka s/o T. Ronghînglova	Model Vêng, Aizâwl	1 st
2. Mariana Lalmuansângi d/o Sânghmingthanga	Dâm Vêng, Aizâwl	3 rd
3. Lalruatdika s/o Laldinthara Hnamte	Mission Vêng	6 th
4. Benjamin J. Malsâwmdawnga s/o JR Thankhûma	Bûngkâwn Vêngthar	7 th